

გეატერინე გოგიაშვილი საქართველოს საამონიკო ქართული უნივერსიტეტი

სიპათის პონდეპატი მოსე ხონელის „ამირანდარეჯანიანში“

„ამირანდარეჯანიანის“ ომების, ბრძოლების ეპოემა თან-
მიმდევრულად, ნათლად გამოკვეთს მოსე ხონელის კეთილშო-
ბილი რაინდის იდეალურ სახესა და რაინდობის იდეალს.
თავგაანწირვის, გმირობის, სულიერი ახოვანების, ბრძოლის,
სიკვდილის, დანდობის რაინდულ პრიზმაში გარდატეხით
ქმნის მწერალი თავისი რჩეული რაინდის სახეს. ასე იძერწება
„ამირანდარეჯანიანის“ გმირი, რომლის სახასიათო შტრიხებში
კეთილშობილების, ლირსების, რაინდული იდეალების სიწმინ-
დის გეერდით იყავებს ადგილს ლმობიერება, ჰუმანიზმი, დიდ-
სულოვნება, გონიერება, სულიერი და ფიზიკური მონაცემების
სისრულე, პიროვნული სრულყოფა. ის სულით ხორცამდე
რაინდია. რაინდობა მისი ბუნებისა და ხასიათისაგან განუყო-
ველი თვისებაა.

„ამირანდარეჯანიანის“ მითსა და რეალობას შორის მოქ-
ცეულ მისტიურ, საკრალურ სიგრცეს გადაკვეთს გზა, რომელ-
იც ბრძოლის, ომის შეახაზზე, თავგაანწირვაზე გადის. ამ
გზაზე უშედავათო ბრძოლებში ჭეშმარიტი რაინდის ლირსეუ-
ლი გამარჯვებით იმარჯვებს მწერლისა და მისი რჩეული
პერსონაჟების იდეალები, ღირებულებები, მრწამსი, ჰუმანიზმი
და საუკეთესოს უფლებითა და პრივილეგიით საზოგადოებაში
ზეობს და მკვიდრდება, საზოგადოების ცხოვრების წესი ხდე-
ბა. ამაღლებულ იდეებს მწერალი ყველაზე მძიმე გამოცდას
უწყობს, ფაქტობრივად, ჯოჯოხეთურ განსაცდელში გაატა-
რებს და პატიოსანი ლითონიკით მრავალგზის განწმენდილს,
ჭეშმარიტის, საუკეთესოს სტატუსს მოაპოვებინებს. ამ ეტაპე-
ბის გავლის შემდეგ მოსე ხონელის უმნიშვნელოვანების იდეა-
ლები სიკეთის კატეგორიაში იმკვიდრებს ადგილს, რომლის
დასაცავად არის მოწოდებული „ამირანდარეჯანიანის“ რაინდი.
მისი თითოეული ნაბიჯი სიკეთის ქმნისა და მისი დაცვისათ-
ვის მოქმედებაა. ნამდვილი რაინდი თავისი ცხოვრების წესი-
თაც, მშვიდობიანობისა თუ ომის დროს, სიკეთეს ადასრულებს
ან იცავს. მან ზუსტად იცის, რომ რაინდული მოვალეობის
დირსეულად შესრულება: გაჭირვებულის ხსნა, პატრონის, მე-

ფის, ერისათვის თავდადება, მაღალი იდეალების მსახურება სიკეთის აღსრულებაა. ამიტომ მოქმედებს და იბრძვის შეუჩერებლად, თავისა და სიცოცხლის დაუზოგად. მის თითოეულ ნაბიჯს ეს აზრი და შეგნება წარმართავს.

მოსე ხონელისა და მისი რჩეული რაინდისათვის სიკეთე, როგორც კატეგორია, საყოველთაოდ გაზიარებულ პრინციპებთან ერთად, ყოველივე ანტიუმანურის, არაღიანულის, არაზნეობრივის, არავაჟაცურის, ფსევდორაინდულის, სისასტიკის, არაადამიანურის სიძულვილს ნიშნავს. რომანში უმკაცრესი დამოკიდებულებაა გამჭდავნებული უმწეო, უიარადო, ბრძოლის უნარმოკლებული პერსონაჟის მიმართ, რაინდული დირებულებებისათვის მიუდებელი ქმედების ჩამდენი პირისადმი, ვინც არ უნდა იყოს იგი: სახელგანთქმული რაინდი თუ აგრესიული მოძალადე. ასეთ ფაქტებთან მიმართებაში „ამირანდარეჯანიანის“ გმირების დამოკიდებულებაც და განაჩენიც კატეგორიულია – შეურიგებლობა და თავგაანწირული ბრძოლა, ისევე როგორც ყველაზე თვალსაჩინო, ხორც შესხმული ბოროტების წინააღმდეგ. მოსე ხონელის გმირი იმისთვის იბრძვის, რომ არ დაუშვას სისხლისდვრა, სისასტიკე, აგრესია. მოწოდებულია, წინ აღუდგეს ძალმომრეობას, უკონტროლო ფიზიკურ ძალას და აღკვეთოს როგორც ბოროტება. ნიშანდობლივია, რომ ასეთი დამოკიდებულება ყოველივე არაჟუმანურთან და არარაინდულთან ძეგლში გვხვდება როგორც ცალსახა პოზიცია როგორც შშვიდობიანი, ყოველდღიური ცხოვრების პირობებში, ასევე ომის, ბრძოლის, ასპარეზობისა თუ რაინდული შერკინებების დროს. „ამირანდარეჯანიანში“ ამ თვალსაზრისით გამონაკლისი არ მოიძებნება.

„ამირანდარეჯანიანში“ ჰყებარიტი რაინდის ყოველი ქმედება სიკეთის აღსრულებისა და მისი დაცვის მიზანს ემსახურება. „ამირანდარეჯანიანისა“ და მისი შექმნის დროის ემპირიული სინამდვილე ისეთი იყო, როდესაც ფიზიკური ძლიერებისა და საბრძოლო ხელოვნების გარეშე წარმოუდგენელი იყო არსებობა. რაინდობა პროფესია იყო და საბრძოლო ხელოვნება – მეფეთა აღზრდის აუცილებელი შემაღებელი ნაწილი. „ამირანდარეჯანიანში“ სახელი, გმირობის პატივი, მეფის ასულზე დაქორწინება, ხელმწიფის გვირგვინი – ყველაფერი სამხედრო დგაწლით მოიპოვება. ოქრო, ვერცხლი, თვალმარგალიტი, ყოველგვარი სიმდიდრე, ქონება თუ ძვირფასეულობა, რითაც კი ეს საზოგადოება ბრწყინავს, ხმლითაა მო-

პოვებული. „ამირანდარეჯანიანში“ სამხედრო ხელოვნება პროფესიად არის ქცეული. რომანის თითოეულ თავში მეფის კარზე სოლიდური გასამრჯელოს ფასად დაქირავებულ უამრავ საბრძოლო ხელოვნების კარგად მცოდნე მეომარს ვხვდებით. მათ შორის გამოიჩინებიან ფალავნები, რომლებსაც მოსე ხონელი ბუმბერაზებს უწოდებს. მაგრამ რადგან მეფის კარზე მომსახურე ბუმბერაზი მხოლოდ ფიზიკური ძალით გამოიჩინება და მთელი თხზულების მანძილზე შიშველი ფიზიკური ძალის გარდა არავითარ სხვა თვისებას არ ავლენს, ამიტომ მოსე ხონელი მათ ერთხელაც კი არ მოიხსენიებს ჭაბუკის სახელით, რაც რომანში რაინდის ექვივალენტია.

„ამირანდარეჯანიანში“ რაინდის მნიშვნელობით გამოიყენება სიტყვა „ჭაბუკი“. რაინდის თანამედროვე გაგება ფართო შინაარსით მოცემულია ძეგლის სიტყვაში „ჭაბუკი“, რომელიც ყველა კონტექსტში ნიშნავს რაინდს. „ამირანდარეჯანიანის“ ავტორი ფიზიკური ძლიერებით გამორჩეულ დაქირავებულ მეომრებს ყოველთვის ბუმბერაზებს უწოდებს. „თავისთვალ ბუმბერაზული საწყისი ყოველ ჭაბუკშია, ეს მისი ყოფის აუცილებელი ატრიბუტია, მაგრამ ჭაბუკობა სწორედ ფიზიკური ძალის ესთეტიზირება და ამაღლებული იდეალებისადმი დამორჩილებაა“ (მაღლააფერიძე, 1993: 48). რაინდისა და ბუმბერაზის დაპირისპირება, ისევე როგორც ნებისმიერი ბრძოლის ეპიზოდი, ადასტურებს, რომ ომსა და ბრძოლას „ამირანდარეჯანიანში“ შხვლოდ სამხედრო ხელოვნების, ფიზიკური ძლიერების, უძლეველობის, ჯობნის, გამარჯვებულის გამოვლენის ძალა არ შესწევს, მხოლოდ მჯობნის მჯობის დადგენა არ აკისრია, არამედ მოსე ხონელს ომი და ბრძოლა წარმოუდგენია იმ შესაძლებლობად, სადაც პიროვნების შინაგანი სამყარო მთელი სისრულით წარმოჩნდება. რომანში ყველა ღირსებას, ისევე როგორც ხასიათის ყველაზე ფარულ, შინაგან თვისებებს, „ამირანდარეჯანიანის“ პერსონაჟები ყოველ-თვის ომსა და ბრძოლაში ავლენენ.

„ამირანდარეჯანიანი“ არ განიცდის სახელისა და მდგომარეობის გაუმჯობესების მაძიებელი მეომრების, გამორჩეული, სანაქებო, დაუმარცხებელი, საჭვერცო სახელის მქონე ფალავნების სიმცირეს, მაგრამ რომანში არ არსებობს ისეთი გარემოება, დამსახურება და სახელი, მეტოქის ჯობნისა თუ დაუმარცხებლობის ფაქტი, მოსე ხონელის ეთიკურ მრწამსსა

და ჰუმანისტურ პრინციპებზე დაფუძნებულ რაინდობის მაღალ იდეალებზე რომ მოახდინოს გავლენა.

„ამირანდარეჯანიანის“ გამორჩეულ რაინდებს შორის მოსე ხონელს ჰყავს სამი რჩეული: ამირან დარეჯანიანისძე, ამბრი არაბი, მზეჭაბუკი. „მათთან მიმართებაში საჩინოვდება უმნიშვნელოვანების ჭაბუკური სათნოებანი. აშკარად ჩანს, რომ ამირანი, ამბრი და მზეჭაბუკი უკიდურესად ჰუმანური პრინციპებიდან გამომდინარე მოქმედებენ“ (მაღლაფერიძე, 1993: 46). ინტერესს აღძრავს საკითხი იმის თაობაზე, „ამირანდარეჯანიანის“ იდეალურ თუ რაინდებს რა განსაკუთრებულ თვისებებს აკუთვნებს მწერალი, რასაც მოკლებული არიან ნაწარმოების დანარჩენი პერსონაჟები? რაში გამოიხატება მათი გამორჩეულობა და აღმატებულობა? „ამირანდარეჯანიანის“ მხატვრულ სინამდვილეში რაინდისა თუ მებრძოლის სტატუსით მოქმედი ყველა პერსონაჟი საბრძოლო ხელოვნების ცოდნითა და ფიზიკური ძლიერებით არის გამორჩეული. სიუჟეტის მსვლელობისას, ფაქტობრივად, არ მოიძებნება ისეთი შემთხვევა, როდესაც „ამირანდარეჯანიანის“ პერსონაჟი უარს ამბობს საკუთარი თვისა და ძალების გამოცდაზე, ახალ თავგადასავალში ჩაბმაზე, ბრძოლაზე და მოსალოდნელი საფრთხის თავიდან აცილების მიზნით, უფრთხილდება საკუთარ სიცოცხლეს. მაგრამ ამგვარი პერსონაჟებისა და მოსე ხონელის რჩეული რაინდების მხატვრულ სახეებზე დაკვირვებისას, ნათლად იკვეთება განმასხვავებელი ნიშნები, რომლებიც მხოლოდ „ამირანდარეჯანიანის“ იდეალური რაინდის კუთვნილებაა: დიდსულოვნება, ჰუმანიზმი, კაცომოვარება, ლმობიერება, უმიზნო ბრძოლისა და სისხლისღვრის სიძულევილი, სისასტიკისა და ულმობელობის აღკვეთა, სულიერი ახოვანებისა და რთული მოვალეობის აღექვატური ფიზიკური ძლიერება, მაღალი ზნეობრიობა, კეთილშობილება. იგი მოწყალებითა და სამართლიანობით ღვთის მსგავსია, ომისა და მშვიდობიანობის დროს მისი ქცევა და ქმედება ჰუმანურია, მისგან განჩინებული სამართალი – სანატრელი. სამაგალითო და შეუცვლელი პატრონია, ძნელად წარმოსადგენია გასალებისათვის მასზე უკეთესი პირობების შემქმნელი და მზრუნველი მფარველი. მის ფიზიკურ ძლიერებას ყოველთვის აწონასწორებს და აღემატება სულიერი უძლეველობა, კეთილშობილება, ღირსება. „ამირანდარეჯანიანის“ იდეალური რაინდის მრწამსი და მოქმედების საფუძველი, რაინდული ვალდე-

ბულებების გარდა, ჰუმანიზმის პრიცეპი და, აქედან გამომდინარე, ხაზგასმული ჰუმანურობაა, დანდობა, შემწყნარებლობა, ჰუმანური კანონებისა და მოქმედებებისათვის ყოველთვის უპირატესობის მინიჭება, მაშინაც კი, როცა კონკრეტული ვითარება, სარაინდო კოდექსი და მებრძოლის ინტუიცია სწორედ საპირისპიროს გულისხმობს. „ამირანდარეჯანიანის“ სინამდვილეში შესაძლებელ უამრავ არჩევანს შორის მოსე ხონელის გმირი უპირატესობას ყოველთვის ეთიკურ და ჰუმანურ არჩევანს ანიჭებს. „ამირანდარეჯანიანის“ იდეალური რაინდი ბოლო აკორდამდე გმირია იმ გარემოებების გამო, რომ ჰუმანისტია და არასდროს დალატობს ამაღლებულ იდეალებს. რაინდული ღირებულებების ჰუმანიზმის პრინციპებთან შერწყმული მაღალი სულიერებითა და ამ სულიერების შესაფერი, ადექვატური, ფიზიკური ძლიერებით იგი ჰუმანური იდეალების ყოველგვარ ვითარებაში ერთგული და დამცველია. ის თავს დაუფიქრებდად სწირავს მოყვასის, დაჩაგრულის, ქვეყნის, მეფის, ხალხის, სიკეთის გადარჩენისა და დაცვისათვის. დიდია იდეისთვის, რაინდობის მაღალი ფასეულობებისა და წმინდა მისისათვის მისი მსახურებისა და თავგანწირების მასშტაბები.

„ამირანდარეჯანიანის“ იდეალური რაინდი ზეციური მხედრის ბადალი გმირია. თავისი თავგანწირვითა და რაინდული მისით ნაკისრი ვალდებულებებით ის, წმინდა მხედრის დარად, ადამიანების, საზოგადოების თავდადებული მფარველია. კეთილისა და ბოროტის მარადიულ დაპირისპირებაში მისი ზეადამიანური, ღვთაებრივი ძალა ბოროტების საბოლოოდ ამოსაძირკვადაა მიმართული. ამიტომ, როცა იგი რაინდობის წმინდა მისის საფუძველზე, რაინდული ეთიკის თანახმად იბრძვის, ამ დროს, ზეციური მხედრის დარად, თავს სიკეთისათვის სწირავს და უზენაეს სამართალს აღასრულებს. „ჭაბუკი წმინდა მხედრის დარად საზოგადოების მფარველ ძალად გვევლინება და დაუდალავად იბრძვის სამართლიანობის დამკაიდრებისათვის. გმირი ხოცავს დევებს, ვეშაპებს, საშინელ მხეცებს, ამსხვრებს თილისმებს და თავისუფლებს ადამიანებს“ (მაღლაფერიძე, 1993: 46). „წმინდა მხედრის სახის ერთ-ერთი უმთავრესი ნიშანია საშინელ მხეცთა, ურჩსულთა და დევეშაპთა შემუსკრა“ (მაღლაფერიძე, 1998: 50).

„ამირანდარეჯანიანში“ წონასწორობის დაცვა და აღდგენა მოსე ხონელის რჩეული რაინდების არსებობასა და მათ მიერ

სიკეთის დასაცავად მუდმივ სიფხიზზესა და აქტივობაზეა დამოკიდებული. როდესაც „ამირანდარეჯანიანში“ სულიერ და ფიზიკურ მხარეებს შორის წონასწორობა ირდვევა, როდესაც რაინდის მთლიანი პიროვნება იშლება, სიუჟეტის განვითარება მიმართულია დარღვეული პარმონიის აღდგენისა და გაწონასწორებისაკენ. ხოლო თუ ეს არ ხერხდება, მაშინ პარმონიული, მთლიანი, სულიერად და ფიზიკურად ძლიერი პერსონაჟი ორგუნავს მხოლოდ ფიზიკურად განვითარებულ, შიშველი ფიზიკური ძალის ქქონე აგრესიულ და მიუღებელ მეტოქეს.

რაინდის აქეთი მონუმენტური, პიკერბოლიზებული სახის შექმნით მწერალი სრულყოფილი, ზედლიერი, ადამიანის როული პრობლემის იღუსტრაციას ახდენს. „ამირანდარეჯანიანის“ რაინდი მხსნელია და პუმანური პრინციპების დამამკვიდრებელი ერთსა და იმავე დროს. მას ახალი ღირებულებები და ახალი ცხოვრება მოაქვს, რომელიც ადამიანების მდგომარეობას აუმჯობესებს და მათ ბედნიერებას ანიჭებს. „ამირანდარეჯანიანის“ რჩეული რაინდი სიკვდილის ზღვარის რაინდული ღირებულებებისა და პუმანისტური პრინციპების რწმენით გადამდახველი, ზემდლავრი გმირია. თავგანწირვის გზა, რომელიც ომისა და ბრძოლის სარბიელზე გადის, ხალხის ხენა, სიკეთის, მეფის, ქვეყნისა და მოყვასისათვის თავდადება, მათვის სისხლითა და საკუთარი სიცოცხლის ფასად სამსახური, „ამირანდარეჯანიანის“ პერსონაჟებს ქმნის ამაღლებულ, აღმატებულ, იდეალურ რაინდებად. გმირობამდე, მოსე ხონელის რჩეულობამდე, იდეალურ რაინდამდე იგი სიცოცხლის სიკვდილის სამსხვერპლოზე უთვალავჯერ მიტანით, უკვდავი იდეების, კეთილშობილი მისიის თავდადებული სამსახურითა და ერისა და ქვეყნის წინაშე გაწეული ღვაწლით მაღლდება. მისი საგმირო საქმეები თანაბრად არის როგორც დაგვრილი ოფლისა და სისხლის, ისე მხატვრულ სინამდვილეში მის მიერ ღირსეულად გავლილი ურთულესი გზის ნაყოფი. იგი მთლიანად, ღირსეულად და უდრტვინველად გადის რჩეულ რაინდამდე, გმირობის პატივამდე ამაღლების ეპლიან, მუდამ სიცოცხლის საზღვარზე გამაგალ თვითშეწირვის გზას. იგი ზექაცია, მაგრამ უარყოფილია აგრესია, ძალადობა, ძალაუფლებისკენ თვითმიზნური სწრაფვა. მოსე ხონელის გმირი ძალას მხოლოდ კეთილი მიზნებისათვის ავლენს. მისი სულიერი და ფიზიკური სიძლიერე ქოველთვის სიკეთის

დასაცავად და ყოველიგე ნეგატიურის წინააღმდეგ საბრძოლ-
ველად არის მიმართული.

ლიტერატურა:

მაღლაფერიძე, 1993: მაღლაფერიძე ვ. რაინდთა შერგინება
ვითარცა ესოებიკური ფენომენი. ოსუ შრომები, 311, 1993.

მაღლაფერიძე, 1998: მაღლაფერიძე ვ. მხეცთან ბრძოლის
მოტივი „ამირანდარეჯანიანში“. შრომები, ჰუმანიტარულ და საზო-
გადოებრივ შეცნიერებათა სერია, № 16, 1998.

ხონელი, 1967: ხონელი შ. „ამირანდარეჯანიანი“, თბ., გამომც.:
„ლიტერატურა და ხელოვნება“, 1967.

Ekaterine Gogiashvili

THE CONCEPT OF KINDNESS IN ‘AMIRANDAREJANIANI’ BY MOSE KHONELI

Summary

A noble knight in the novel “Amirandarejaniani” of the Middle Ages is committed with the protection of kindness. His each step is an activity to make a kindness and defend it. The ideal hero of the novel makes kindness and depends it in any situation- in the war and during peace, He knows that to fulfill his duty as a knight (to save the poor, to dedicate his master, king, Eristavi , to serve high ideals) is making a kindness. His every step is led with this thoughts and consciousness.

Kindness as a category for Mose Khoneli and his knight means a hatred of anti humanism, indecent, amorality, pseudo knight, nonhuman. Mose Khoneli’s hero fights to avoid bleeding, cruelty, aggression. he is committed to prevent all kind of uncontrolled physical strength and sicknesses. The hero uses his power only for good purposes . His physical and spiritual strength is always directed to defend kindness and fight against negative things.